

চিত্ত প্রসাদের টুকরো লেখা

কবিতায় চিঠি, নোট ইত্যাদি

দুর্ল্ দুর্ল্ দুর্লিয়া
তিন আংগুর্ল তুলিয়া
কালের মাছি কালে যাও
মোর ফল্লায় নাও তলাও
এই চাক কাটিতে
যদি মাছি কামড়াও
তোর মূখ বন্দ করং ॥

(কোচবেহারী মোঁচাক কাটার মন্ত্র । সংগ্রহ : শ্রী জীতেন্দ্র ঘোষ)

পত্র

৪ ফেব্রুয়ারি ১৯৫৯

বন্ধু সমর সেন
কেন চুপ করেচেন ?

...

...

এক রাতে দেবী জয়া
নিয়ে ভারতীয় দয়া
আর তার থোকা নিয়ে আর রুশী রং নিয়ে
হাসিখুশি মূখ নিয়ে আসলেন
আমি তো আশ্তো গাধা
আজও জানিনে কো দাদা
বিধাতা হাসলেন কি কাসলেন !
মস্কো যাইনে কেন
আরো নানা হেন শুন

মন খোলা বাংলায়
পলিটিক্স হামলায়

...

আমি দাদা থক্ গিয়া

নানা ধারাপাত নিয়া

চক্ৰবৰ্ত্তি হারে বাড়ে

যৌদিকে তাকাও নানা পলিটিক্সরা

সুন্দ আর আসলেতে

বীজ আর ফসলেতে

পয়লাটা হয় আজ তিস্রা !!!

বিন্দু রায় গান ছেড়ে দর্শন কর্ণণ করে

আরো নানা হর্ষে সুখে আলিঙ্গন করে বৃকে

বিশ্বের মন্দির বান্দু বান্দু দত্তরা

আজ বলি ঈশ্বরে :-

‘মানুষের ঘরে ঘরে

বেঁচে থাক ভাং গাঁজা ধুতরা ॥’

× × × তারপর × × ×

চলছে হুলা নয়া

‘বিভাগো’ নভেল নিয়া

চোয়া ঢেকুরের বাস পায়েরিয়া নিশ্বাস

উল্লুক রাজেদের মোচড়ায় পিলে

বিরত হেথা সেথা কৃষ্টির শকুনেরা

গোলাপী ও পাকা রাঙা স্নব হাড়গিলে ।

হোক না সে কোটিতে এক

মরুক প্যাস্টারন্যাক

এ’ষুগেতে কে না জানে

একের কী কদর্য মানে

বুর্জোয়ারা চেঁচামেচি করে পৃথিবীতে

জনগণ ভুলবে না টলবে না দুলবে না

নিজেদের মন্দির পথ চিনে নিতে !!!

...

জানবেন সম্প্রীতি চিঠি আপাতত ইতি

সুন্দদের সুখে মোর চিত্তে প্রসাদ

আঁধের নগরবাসী খোদার রুদ্ধ খাসি

ভবদীপ

চিত্ত প্রসাদ

পত্র

আম্বেধি

২০-এ সেপ্টেম্বর, ১৯৬০

শুন শুন সুনীল জানা
পাইলাম তোমার পত্রখানা
যাইতাম উইড়া থাকলে ডানা,—
খুঁশির চাইতে হইলাম রে অখুঁশি ।
ইচ্ছা করে ঐ হালাদের ধৈরা মারি ঘুঁশি ॥
ভাইরে খুঁশির চাইতে হইলাম রে অখুঁশি ॥ ধুয়া ॥

এংরাজ গিয়া চ্যাং-রাজ হৈছে
পদলি পিঠার ল্যাজ গজাইছে
ব্যাঙে সাপের পাঁচ পা দ্যাখছে ন্যাপায় মারে দৈ
গো-মাতার সন্তানেরা দেয় পাকা ধানে মৈ ॥
ভাইরে, খুঁশির চাইতে হইলাম রে অখুঁশি ॥ ধু ॥

হের পরেতে লেখছ পত্রে
ব্যথা বেদন হৈছে গাত্রে
আমারো ঘুম হয় না রাত্রে
মনটা— বড়ো বড়ো লাগে

কী ছিলাম কী হইলাম ভাইর্যা
মরি দুখে রাগে ॥
ভাইরে খুঁশির চাইতে হইলাম রে অখুঁশি ॥ ধু ॥

এই তো সেইদিন আইলাম ভবে
যৈবনই বা আইলো কবে
গেলই বা সে কেমনে কবে
দেহতত্ত্ব বোঝন বিষম দায়
এখন দেখি একে একে দল্ল গুলান যায় ॥
ভাইরে, খুঁশির চাইতে হইলাম রে অখুঁশি ॥ ধু ॥

ন্যাপারা সব দিল্লীবাসী
বরের পিসি বৌ-এর মাসী
পরের খাইয়া চড়ায় ঘরের মোষ
বাটপাড় হৈতে পারলানা ভাই
রামেরে দাও দোষ ॥
ভাইরে খুশির চাইতে হৈলাম রে অখুশি ॥ ধন ॥

মনের খেদে লেখ'ছ শেষে,—
'এই দেশ তেইজা যাও বিদেশে
রাখবে তারা ভালোবেসে
থাকবা রঙ্গে ঢঙে ।'—
হায়রে— যদি যাই মূই বঙ্গে
আমার— কপালও যায় সঙ্গে ॥

বুড়া কালে ইউরুপ যামু
দাঁত নাই চোখ নাই কী স্নেহ পামু
সেখানেও সেই রামই খামু যদি কাড়ি জোটে—
আরেক ল্যাঠা— কাঁটা চামচির
অভ্যাস নাই তো মোটে ॥

বয়স কালে সবই সাজে
বুড়া কালে লাঠি বাজে
বেঞ্জন্ত হমু পর সমাজে কাজ কি অমন স্নেহে
বুড়া কালে খাওন ভাল ঝালটা পরের মুখে ॥

যায় না ঠেকান দিয়া ঠেকা
যার কপালে য়েমন লেখা
আমার স্বচক্ষে দেখা ঘটনা কই শোন,—
স্বয়ং ক্যাবল চন্দ্রের কীর্তি সাজান নয় কোন ॥

আগরতলার আমাগো সেই
ক্যাবল চান্দ বাল্য বয়সেই
কালচারে মন— ঘরে বসেই তবলডুপিং বাজায়

পাঠশালা পাট ফালাইয়া শেখে
দম দিতে গাঁজায় ॥

বয়স ষোল না হৈতে
গৃহ বন্ধন নারে সৈতে
গুরুদ্বর কাছে বিদ্যা লৈতে ফেরার হৈল কাশী
তবল বাজাইতে শেষে পৌঁছায় দিল্লী আসি ॥

কালচার মন্ত্রী শাইনা তবল
ডাইকা দিলেন মদুজরা ডবল
কইলেন ডাইকা— ‘অহে ক্যাবল,—
পাঠামু ইউরোপে ।’

ক্যাবল বলে— ‘মস্কু গেলাম
কী দ্যাখলাম কী সুখ পাইলাম
কী কই দাদা ভট্কা খেলাম
বিশ্বাস যাইতে পারেন
সকাল হৈতে রুটি মাংস যত ইচ্ছা মারেন ॥

যাহারে কয় ভূরি ভোজন
চল্লিশ পাউন্ড বাড়ল ওজন
বার দিনে— বোঝেন কেমন —
প্যান্টের বুতাম ছেঁড়ে
গেলাম যখন চিকা যেমন
ফিরলাম বলদা এঁড়ে ॥’

[‘ব্যাড-টী দিয়া ঘুম ভাঙাইত
তাহার পরই ব্র্যাকফাস্ট হৈত
ভোর হৈতে মাঝরাত পার গাদনের পর গাদন
ছয় মাস থাকলে তেমন হালে
বৈতাম গন্ধমাদন’ ॥—]

‘তার উপরে— কি কম— প্র্যাম— !

মস্কুতে সব ফিট গোর ম্যাম— !

সবদাই জিগায়— হোয়াট ইউর ন্যাম?—

পরীর মতন মাইয়া

তেমনি সব স্বাস্থ্যবতী এইসান হাথের বাইয়া ॥

‘আমার রংটা দৈবাৎ কালো

অরা কালোই বাসে ভালো

আমায় লৈয়া কী যে করলো

সবদাই টানাটানি

কী কর যে বদ্বী না ছাই ভাষাটা না জানি ॥’

‘একজন তো সবদার বেশি

আমারি গায়ে ঠেশাঠেশি

হাতেহাতে মেশামিশি

শেষে— খাইয়া বসল— হুম— !

বাইসরে বাইস সারাটা রাত চক্ষে নাই মোর ঘুম’ ॥

‘আসন কালে কৈলজা ফাটে

ছিলাম যেমন চান্দের হাটে

অরা সবদাই কান্দে কাটে চক্ষের জলে ভাসে

সেই একজন তো আমার লগে পারলে চৈলা আসে ॥’

শুইনা’নি ক্যাবলের কথা

মনে শুধুই বাড়ে ব্যথা

আমার দৌড় ঐ কৈলকাতা কৈলে হৈব কি

ঠকঠকাইলে শূন্য ভাণ্ডে মেলে না তো ঘি ॥

নিজের দেশে বেশ আছি ভাই

ল্যাংটা ফিরলেও জিগানের নাই

ধার ধোর কৈরা খিচুড়ি খাই

আর— তামশা দেখি কত

এমন কালচার কোথায় পাইবা

আমাগো দ্যাশের মত ॥

আসলে ভাই জন্মগত
কপাইল্যা ক্যাবলের মত
হৈলে চরতাম ইচ্ছা মত
কৈরা শিং বাঁকা
কিম্বা যদি রাইখা যাইত বাপে কিছু টাকা ॥
ভাইরে খুশির চাইতে হৈলাম রে অখুশি ॥ ধু ॥

যদির কথা শুধুই ছলা
কালো যদি হৈত ধলা
কাঁটাল গাছে ফলত কলা
হৈতাম আর্ট ডাইরেঙ্কর
মেদিনীপুর্বে সোনা ফলাইতাম
আইনা রুশি ট্র্যাঙ্কর ॥

যদি তোমরা থাকতে কাছে
যদি ফলত আর্টের গাছে
টাকার কাঁদি মাঝেমাঝে, যদি হৈতাম রাজা
যদি পাইতাম বোম্বায়ে রাম
আর-- রাধুর কার্টলেট ভাজা ॥
ভাইরে খুশির চাইতে হৈলাম রে অখুশি ॥ ধু ॥

যদির কথা ছাড়ান দাও ভাই
হকের পাওনা তাও জোটে নাই
বাকি কল্পদিন ক্যামনে গোঁয়াই রাইখা নিজের মান
সেইটুকু আইজ জানতে পারলে জুড়াইত পুরাণ ॥
ভাইরে খুশির চাইতে হৈলাম রে অখুশি ॥ ধু ॥

ভেজাল ইতিহাসের দেশে
ভেজাল কাইন্দা ভেজাল হেসে
ভেজাল দেশপ্রেমে ভেসে
দিগ্লি গিয়া হৈলাম না নবাব
ভারত স্বাধীন হৈল তবু না মৈল স্বভাব ॥

না শিখলাম দোকানদারী
না মোসাহেবী দরবারী
তাইতে বিপদ হৈল ভারি
অসময়ে গেলাম বড়়া হৈয়া
তোমরা আছ তাইতে বাঁচি প্রাণের কথা কইয়া ॥

হের পরেতে আইসাতেছে দিন
স্বাধীন দেশের বংশ নবীন
কি আশ্রিত কি রুশি চীন বসাইবে সব পথে—
বনে যাইবা ? বালী বধ আজ অরণ্যে পর্বতে ॥

আমার প্যাঁচাল শেষ করি আজ
যদিও বেকার নাই কোনো কাজ
ছড়ায় ঢাকি দৃষ্টিচক্ৰ লাজ হাসির খোরাক গাই
কালচার লৈয়া ঘর করি ভাই তার বেশি কী চাই ॥
ভাইরে খুশির চাইতে হৈলাম রে অখুশি ॥ ধু ॥

নিয়ো না মোর দোষদুটি
করিছি বৃহৎ ছোটাদুটি
লুটি এবার পাইলে ছুটি যাউক সব শখ সাধ
ভালোবাসা নিয়ো / ইতি
চিত্ত পেরসাদ ॥

[তাল ফেরতা]

পদ্যনশ : ভাইরে ভেরি ভেরি সরি
এই পর ডাকে দিতে
ইতিপদ্যবে
পাইলাম না কোনো অবসরই ।
খাজনার চাইতে বাজনা বেশি
দৈন চৈলা যায় লাভের মধ্যে
ফাঁকা দরাদরি
ভাইরে ভেরি ভেরি সরি ॥

পূজার কাটা দিন
এবার আমার কাইটা গেল
একলা ঘরে
স্বয়ংভু স্বাধীন
আরো পাইলাম শোক যেন
হৈলাম পিতৃহীন
পূজার কাটটা দিন ॥

ইচ্ছা ছিল মনে
ছবিটাবি অনেক গুলান
বাইন্ধ্যা ছাইন্দা
পাঠান্দু এই পত্রখানার সনে
শুভ কর্মে শতেক বাধা
কহেন মর্দনি জনে
মনের ইচ্ছা রইলো আমার মনে ॥

বদ্বি আর সকলি
বদ্বল্যাম বা রে কেমন আমার
পোড়া কপাল খানা
সে দুখ কারে বলি
আশার মেঘ ঘটা ঘনায়
বর্ষায় না আসে আর যায় চলি
বদ্বি প্রায় আর সকলি ॥

থাউক হাবিজাবি
এই দুনিয়ার আজব কারবার
দৈখা শুইনা এখন কেবল ভাবি
দয়ামায়ার বেশি আমার
এই দুনিয়ায় আর কি আছে দাবি— ?
থাউক হাবিজাবি ॥

খাইতে আছি ঘোল
পাইদুড় আর পাঠান হীরোর হাতে,—

ফিল্মী হাটেতে

বিজ্ঞাপনী ঢোল

বাজাইতে ডাক পড়েছে আবার—

না বাজালে জুটবে না এক বেলারও খাবার

বেজায় গাঙগোল

খাইতে আছি জোলো পাচা ঘোল ॥

সুখের মধ্যে আছে শূন্য

তোমাগো সব স্মৃতি

তোমরা সবাই নিয়ো আমার

বিজয়ার প্রেম প্রীতি

পত্র করলাম ইতি ॥

আফেরি,

৫ অক্টোবর ১৯৬০

কলিকাতা রেডিয়োতে প্রত্যহ দিনে তিনবার ‘বারোমেসে=বোম্বাইয়া=চালদা’ প্রোগ্রাম : গ্রামোফোন রেকর্ড : (ইউরোপীয় অপেরা সংগীতের সিনথেটিক আবহ যন্ত্র-যন্ত্রণাসহ)—

১। পঞ্চাশোর্ধ মর্দানা হিরোর গানা :— ‘ম্যায় তেরা মুহাম্বদু’সে দিবানা মর্দানা’ ;

২। পঁয়তাল্লিশোর্ধ ঔরত হিরোইনের গানা :— ‘ও—ও ও—ও—, তু মোঁর জওয়ানি বর্বাদ কর্ যা রে যা —ও—ও ও—ও পরদেশী—’,

৩। হিরো হিরোইনের ডুএট :—

‘আভি না যাও দিল আভি ভরা নাহি ঔর থোড়া প্যার করো’, ‘পন্নলা মোলাকাৎ=সে নাজদুক দিল ফট গিয়া ! হায়—হায় !— ফিরতি ঘাবরানা ক্যা ?’

সুন্দের অঙ্গভঙ্গি যেমন কুৎসিত, চিৎকারের সীমা তেমনি ভয়ানক !— এবং প্রত্যহ দিনে তিনবার বাংলায় আধুনিক, ‘ভালোবাসা=মামলেট’ প্রোগ্রাম : গ্রামোফোন রেকর্ড :—বোম্বাই=ঝরোয়ানা : চটচটে করুণ রসে সিদ্ধ করে বাঙালী=বাঙালী [শ্বাদ বজায় রাখা হয় ।]

১। কবুতর কণ্ঠে : ‘হাওয়ার এখোনো তোমার গন্ধে ভুর ভুর ভুর করছে— আমার মাথা ঘুরছে—’

২। কবুতরী কণ্ঠে : ‘তুমি সবই জানো সবই বোঝো তবু কেন অসম্মে আসো আর ঠিক সময়েই আসো না—’

৩। কবুতর : কেন তুমি জানালায় এসে দাঁড়াছো না আজকাল—’

- ৪। আমি কাঁদছি, পাতা নড়ছে, ফুল ঝরছে, পাখী ডাকছে— তোমার বাঁশী বাজছে না—আমি কাঁদছি—’
- ৫। মরদ : ‘আঁধার ঘরে তুমি বেয়ে একা আমি যাই— যাই— আমার কিছু নাই ভালোবাসা চাই। তিনবার মালিশ— তোমার হস্তায় বেলা ১১টাটায়— ‘এবার বিদায় দে মা একবার ঘুরে আসি।’
- ১। ‘রোজেনী এথেনো বা— কি’— প্রাত্যহিক রাবিন্দ্রিক পথ্য— চড়চড়ে রোদে— ‘হৃদয় আমার নাচেরে আজিকে—’
- ২। ভাদ্র দুপদুরে—শরৎ তোমার অরুণ আলোর অঞ্জলী’
- ৩। বিকেলের রোদে—‘মধু গন্ধে ভরা মৃদু, রিণ্ধ ছায়া—’
- ৪। রাত দশটায়—‘আগুন জ্বালো—’
- ৫। রাত এগারোটায়—দূর দেশী সেই রাখাল ছেলে—
- ৬। সকাল সাড়ে ছ’টায়—মিউমিউ গীটারে সুর—‘ভাঙলো মিলন মেলা—’
- ইত্যাদি ইত্যাদি ইত্যাদি—বর্ণনা ও তালিকা দেওয়া অসাধ্য।—যাঁরা প্রোগ্রাম ঠিক করেন তাঁরা কি নিজেদের মতোই শ্রোতাদেরও সংগীতের শত্রু মনে করেন? দেশের হাওয়া বিবাক্ত করে, দেশের ছেলেমেয়েদের রুচি বিকৃত করে, দেশের মানুষের কণ্ঠ মর্দন করে প্রোগ্রাম কর্তাগ্রন্থী যেভাবে দেশের শত্রুতা সর্ববে করছেন তা রোধ করার উপায় কি? নিজের রেডিও সেট না থাকলেও তো প্রান্তবেশীদের আছে এবং তাদের প্রাপ্ত প্রায় বয়স্ক বালকবালিকাদের মক’টজাতীয় ঔৎসুক্য আছে, সে বয়সে মেয়েদের বাড়ী থেকে বার হ’তে দেওয়া বন্ধ করা হয়। ছেলেরা বোম্বাইভক্ত হতে শুরুর করে রেডিও সেট ছেলেমেয়েদের নতুন খেলনা। যারা রেডিও = গানা শুনতে চান না তাঁদের কান = বাঁচাবার উপায় কী?

কলিকাতা, আগস্ট ২৮, ১৯৬৬

স্বপ্ন*

অন্য নামের অভাবে তাকে স্বপ্ন বলি— আমি স্বপ্ন দেখি কর্মকোলাহলের পথে চলতে চলতে, কখনো বা অলস বেলায়—সে আমার নিজের জগত আমার মনে বরণার মতো বয়ে যায়, গাছের মতো আকাশের দিকে শাখাপ্রশাখা পরপদুপে মেলে বেড়ে ওঠে,

* চিত্ত প্রসাদ এই রচনাটির কোনো শিরোনাম দেননি, তারিখের উল্লেখ নেই। স্বপ্নার খাতাটিতে এটি ছিল। ওই খাতাতেই এই রচনাটির শেষে আছে ‘বুড়ুং দাদার ছড়া’ সেট রচিত হয়েছে ১৯ আগস্ট, ১৯৬৬। বুড়ুং দাদার গল্প রয়েছে সম্বোধনহীন একটি চিঠিতে। ২০×৫ সে. মি. সাইজের খাতার ১৪ পৃষ্ঠা ব্যাপী ফ্যান্টাসিতে সেইজগতের কথা বলা হয়েছে এখানে স্বপ্নের কথায়ও রয়েছে সেই একই জগত। ব্যক্তিগত রচনা, ছড়া ও কবিতায় নানাভাবে এই স্বপ্ন ঘুরে-ফিরে এসেছে।—সম্পাদক।

কখনো বা খণ্ড খণ্ড মেঘের মতো ছায়া ফেলে ভেসে চলে যায়, অথবা সে স্বপ্নের রাজ্য আমার ঘেন পাঁজী আর ঘাড়ের বাইরে কোন এক অজ্ঞাত সময়ের মহাসমুদ্রের মাঝখানে একেলা একটি দ্বীপ মনে হয় ঘেন সুদূর অতীতে এই পৃথিবীতেই কোনো এক মহারণ্যে তেমন এক জগত ছিলো এক কালে— আমি জন্মেছিলাম সেই আরণ্যক জগতে আরো অনেকের মাঝখানে— অনেক মানুষ অনেক পশু-পাখী-কীট নানান প্রাণী আর ঈশ্বর সৃষ্ট অন্যান্য অনেক-কিছুর মাঝখানে, — আর মনে হয় আবার একদিন জন্মাবো নিশ্চয় সেই আরণ্যক জগতে— আমার স্বপ্নের দ্বীপে, জন্মাবো সেই দ্বীপে শব্দই আমি নয় এই পৃথিবীতে সেকালে বারা জন্মাবে তারা সবাই জন্মাবে সেই জগতে — ততোদিনে আমার স্বপ্নের সেই দ্বীপখানি সারা পৃথিবী ব্যাপ্ত হবে— এই পৃথিবী সেই দ্বীপ হবে ততোদিনে ।

সেই দ্বীপে মানুষ নিতানতুন বাক্য রচনা করবে না পুরাতন অনেক কথা অনেক কাব্যও ভুলে যাবে, মানুষে-মানুষে প্রাণীতে-প্রাণীতে প্রভেদ বোঝাবার প্রয়োজন থাকবে না, বোঝাবার বাক্যও থাকবে না চক্ষু-কর্ণ আর হৃদয় মন দিয়ে...অনুভব উপভোগ করা সহজ হবে, মানুষের কণ্ঠে থাকবে শব্দই সুদূর সাহায্যের সুদূর— সুখের সুদূর দুঃখের সুদূর বিস্ময়ের সুদূর ভয়ের সুদূর তৃপ্তির সুদূর সাহসের সুদূর— মানুষের চোখ হবে অন্তর্দৃষ্টি আর আন্তরিকতার নীরব বাণীর প্রদীপের মতো, মানুষের কানে পৌঁছবে সকল জীবের ভাষা, নদীর কলতান তরঙ্গ মর্মর, ঝড়ের মূর্ছাবাণী,— মানুষ কাব্য রচনা করবে না পৃথিবীর কাব্যের জগতে কবি হয়ে বাঁচবে কবি হয়ে মরবে, সে জগত বাক্যাতীত ছাঁচের মতো নির্বাক জগত, নির্বাক সুদূর ধর্মির জগত, অনুভবের জগত । বাগবিত্তারে যা কিছু বোঝানো যায় না বরং ব্যর্থ গোলমাল সৃষ্টি করে মনকে উদ্বাস্ত করা হয় সে সকল কিছুকে বাক্য বোঝাবার ব্যর্থ চেষ্টা কেউ করবে না । মতভেদের দলাদলি সে জগতে কেউ জানবে না ।

সে জগতে মানুষ দৈহিক খাদ্যাদির প্রয়োজনে দৈহিক পরিশ্রম করবে— সে পরিশ্রম দেহের স্বাস্থ্যের পক্ষে একান্ত প্রয়োজন, সে পরিশ্রম এড়াবার জন্যে যন্ত্রাদির সৃষ্টি করে আলস্য বাড়াবে না, আলস্যকে গৌরবান্বিত করার জন্যে তাকে সভ্যতা নাম দেবে না । সে জগতে মানুষ দৈহিক প্রয়োজনকে সংযমের দ্বারা সরল এবং স্বল্পে তৃপ্তির সীমায় নির্দিষ্ট রাখবে— লোভ উত্তেজিতার বশে বিলাসের অহংকারের জঞ্জাল সামগ্রীতে জীবন ভারাক্রান্ত করবে না, সৌন্দর্য বোধের প্রেরণায় সানন্দ উপভোগের বিচিত্র সম্পদ-সৃষ্টি দিয়ে জীবনকে কাব্যময় করে তুলবে । সেসব সম্পদ মানুষের সঙ্গে বাঁচবে মানুষের সঙ্গেই মরবে অমরত্বের দম্ভ যে সম্পদকে স্পর্শ করবে না । আদি অন্তহীন বিশ্বের অনন্ত মহিমা বোধকে কল্পিত অমরত্বের দম্ভে অসাড় অন্ধ বধির করে দেবে না । মানুষের নৃত্যগীত অলংকার সমগ্র বিশ্বের রহস্যের প্রতি শ্রদ্ধার্থ্য বিস্ময়ার্থ্য-রূপে রচিত হবে । নিজের জীবনের সরল সহজ উপভোগ ও পূর্ণতা সম্বন্ধে সানন্দ চেতনা থেকে মানুষের উৎসব সৃষ্টি হবে । □